
ALGEMENE KENNISGEWING

DEPARTEMENT VAN POLISIE

No.

Datum:

PUBLIKASIE VAN VERDUIDELIKENDE OPSOMMING VAN DIE WETSONTWERP OP GEVAARLIKE WAPENS, 2012

Die Minister van Polisie beoog om die Wetsontwerp op Gevaarlike Wapens, 2012, so spoedig moontlik by die Nasionale Vergadering in te dien. Die verduidelikende opsomming van die Wetsontwerp word hiermee ooreenkomstig Reël 241(c) van die Gesamentlike Reëls van die Parlement Vergadering gepubliseer.

Die Wetsontwerp word ingedien ten einde die Wette op Gevaarlike Wapens wat steeds in die onderskeie gebiede van die Republiek en die TBVC gebiede soos dit voor 27 April 1994 saamgestel was, van toepassing is, te hersien, op te dateer en te vervang met eenvormige wetgewing wat in die hele Republiek van toepassing is. Dit volg op die uitspraak van KW Thunzi en S Mlonzi v die Staat, (Oos-Kaapse Afdeling Afdeling van die Hoë Hof, Mthatha, Saakno. 213749) bevestig deur die Konstitusionele Hof in die Staat v KW Thunzi and S Mlonzi, deur die verklaring van Goewermentskennisgewing No. 4601 van 7 Maart 1975, oor minimum vonnisse, as onbestaanbaar met die Grondwet van die Republiek van Suid-Afrika, 1996, en daarom ongeldig.

Die Grondwetlike Hof het gevolglik die Goewermentskennisgewing tersyde gestel. Die genoemde kennisgewing is gevolglik herroep.

Die uitspraak van die Konstitusionele Hof het ook die hersiening en rasionalisasie van die betrokke wetgewing vereis en die Wetsontwerp gee uitvoering aan die relevante gedeelte van die uitspraak.

Die Wetsontwerp, soos dit ingedien sal word, is vanaf 23 Oktober 2012 beskikbaar op die Internet op die volgende webwerwe: www.policeseecretariat.gov.za and www.saps.gov.za.

VERDUIDELIKENDE OPSOMMING WETSONTWERP OP GEVAARLIKE WAPENS, 2012

Die Wetsontwerp beoog om alle bestaande wetgewing met betrekking tot die regulering van gevaarlike wapens in die Republiek en die gebiede wat voor 27 April 1994 die TBVC state uitgemaak het, te herroep en te vervang met eenvormige wetgewing wat in die hele Republiek van toepassing sal wees. Die Wetsontwerp beoog om die besit van gevaarlike wapens, vuurwapens en replika's of namaaksels van vuurwapens in die openbaar te verbied. "Gevaarlike wapen" word omskryf as "enige voorwerp, behalwe 'n vuurwapen, wat ontwerp is as 'n wapen en waardeur die dood of ernstige liggaamlike leed berokken kan word.

Klousule 2 van die Wetsontwerp verbied die besit van gevaarlike wapens, vuurwapens of replika's of namaaksels van vuurwapens en bepaal dat enige persoon wat in besit is van 'n gevaarlike wapen, of enige vuurwapen, replika of namaaksel van 'n vuurwapen onder omstandighede wat 'n redelike vermoed mag wek dat die persoon die opset het om die gevaarlike wapen, vuurwapen of replika of namaaksel van 'n vuurwapen vir 'n onregmatige doel te gebruik, aan 'n misdryf skuldig is. Die strafbepaling wat in die verband voorsien word is 'n boete of gevangenisstraf van nie meer as drie jaar nie of beide 'n boete en sodanige gevangenisstraf.

Klousule 29(2) van die Wetsontwerp maak voorsiening vir faktore wat in ag geneem moet word ten einde te bepaal of 'n persoon die opset het om die gevaarlike wapen, vuurwapen replika of namaaksel van 'n vuurwapen vir 'n onregmatige doel te gebruik.

Klousule 3(1) van die Wetsontwerp herroep, in die geheel, al die Wette op Gevaarlike Wapens wat tans in werking is in die Republiek en die gebied wat voorheen as die TBVC state bekend was.

Klousule 4 van die Wetsontwerp wysig die Wet op Regulering van Byeenkomste, 1993 (Wet No. 205 van 1993), ten einde voorsiening te maak vir 'n verbod op die besit van-

(a) Windbukse, vuurwapens, replika van vuurwapens voorlaaiers of enige namaaksel van 'n vuurwapen wat waarskynlik met 'n vuurwapen verwar kan word; en

(b) gevaarlike wapens,

gedurende byeenkomste en demonstrasies. Uitsonderings wat onder sekere ovoorwaardes toegelaat mag word hou verband met kulturele of godsdienstige doeleindes en historiese herdenkings.